

STOP AAPI HATE

Fa'asa'oina o le Sesē

O le Fesoasoani mai le Puipuiga o Aia Tatau ina ia Puipuia ai Tagata Asia Amerika ma Atumotu o le Pasefika mai Sauaga

o le ripoti mai le fa'alapotopotoga o le Taofia loa le Sauaina o Tagata Asia Amerika ma Atumotu o le Pasefika Me 2023

Ua silia atu ma le 11,000 sauaga ua fa'atinoina i tagata Asia Amerika ma Atumotu o le Pasefika ua ripotia mai e le fa'alapotopotoga o le Taofia le Sauaina o Tagata Asia Amerika ma Atumotu o le Pasefika, talu mai le masina o Mati 2020, ma le amataga o le fa'ama'i o le Koviti-19. O nei a'afiaga e aofia ai mātua, fanau, uo, ma ou tuaoi o lo'o fa'atinoina galuega masani o le olaga – e pei o le malaga atu i galuega e ala i le fa'aaogaina o auala o femalagaiga lautele, momoli o fanau i a'oga, faiga o fa'atau i faleoloa, ma le fa'atinoina o fe'au masani – ua fa'ateia ai le feagai ma a'afiaga o le fa'ailoga tagata, fa'amata'u, tau fa'afefe, tau faifai, ma o'o ai ina sauaina. O nisi o nei fa'atinoga o le fa'ailoga tagata, ua fa'amauina o le solia fo'i lea o le tulafono mo aiā tatau fa'alaua'itele.

Mo se malamalama'aga atili i nei fa'afitauli, ma nisi o taimi o soligā tulafono, o gaoigā ua faia e ala i le sauaina, ua fa'atuina e le Fa'alapotopotoga o le Taofia o le Sauaina i Tagata Asia Amerika ma Atumotu o le Pasefika se komisi e galulue fa'atasi ma le fa'alapotopotoga su'esu'e o le NORC i le lunivesite a Chicago, e fuafuaina se sailiiliga fa'alaua'itele mo Asia Amerika ma Atumotu o le Pasefika. O leni sailiiliga ua fa'aopoopo fa'atasi ma tala fa'amauina i le Fa'alapotopotoga o le Taofia o le Sauaina o Tagata Asia Amerika ma Atumotu o le Pasefika, ma isi su'esu'ega ina ia maopoopo se ata atoa o leni sauaga o lo'o a'afia ai Asia Amerika ma Atumotu o le Pasefika, ma nisi o suiga e mo'omia ina ia fa'atumaui ai le puiapuia o aiā tatau mo tagata uma.

Fa'amaumauga Tāua

1. Ua lata ma le 'afa (49% pasene) o Tagata Asia Amerika ma Atumotu o le Pasefika i le mālō atoa ua latou molimauina nei faiga lē alofa ma le fa'ailoga tagata, ma e soli tulafono.

STOP AAPI HATE IS AN INITIATIVE BY



- O nei sauga, e tele lava ina faia ona o lou tagata nu'u po o le atunu'u e te sau ai, e tutupu i taimi e faia ai sau taumafataga i se fale'aiga, fa'atau i se faleoloa po'o le fa'aaogaina o auala o femalagaiga fa'alaua'itele, o tamaiti a'oga i totonu o a'oga ma tagata faigaluega i galuega, i le talosagaina o se fale nofo totogi po'o le fa'atau, i le taimi o faiga palota, ma au feso'ota'iga ma tagata faigaluega a le malo, e aofia ai ma Malu o le malo, fa'apea le 'au faigaluega o le Matagaluega o Laisene o Ta'avale.
2. O le Fa'ailoga tagata e a'afia ai le soifua maloloina fa'ale-mafaufau o tagata Asia Amerika ma Atumotu o le Pasefika.
- O le 'afa (50%) o Tagata Asia Amerika ma Atumotu o le Pasefika e a'afia i le fa'ailoga tagata ua lipotia mai e matua'i lagona le fa'anoanoa, lagona vevesi, le mautonu, e o'o i le lagona ua leai se fa'amoemoe.
 - E 45% ua lipotia mai ua matua'i suia atoa ai o latou lagona e fia auai i le a'oga, galuega, po'o isi fa'alapotopotoga; ma e lata ane i le 31% ua lipotia mai.
 - O nisi ua suia ai la latou va'ai lautele, e pei o le suia o a'oga, galuega, po'o le nofoaga e fa'atau ai.
3. Ua silafia uma e Tagata Asia Amerika ma Atumotu o le Pasefika e iai o latou aiā ma e mo'omia le tu'u va'ava'aia mo soligātulafono, ae peita'i e to'aititi lava ua latou lipotiina nei soligātulafono.
- E na o le tasi mai le lima (21%) Tagata Asia Amerika ma Atumotu o le Pasefika ua latou manatu sa tutupu ia i latou le soligātulafono o le solia o aiā tatau o tagata, ma ua latou lipotia mai.
 - O le tele o i latou (60%) na lipotia mai ia soligātulafono, ma e na fa'ailoa mai e le'i faigofie.
 - O le 'afa o i latou (52%) na tupu ai ia soligātulafono, ae latou te le'i lipotia mai ona o le talitonuga e fa'apea, e leai lava se suiga e maua pea a lipotiina.
4. Ua matua'i mo'omia e Tagata Asia Amerika ma Atumotu o le Pasefika se malamalama'aga lelei e fa'amalosia ai o latou aiā tatau, ma manana'o i ni tulafono fou e puipuia ai ia aiā tatau.
- O le to'atele (60%) o Tagata Asia Amerika ma Atumotu o le Pasefika ua latou mo'omia le iloa lelei o a latou aiā tatau ma auala e fa'amalosia ai.
 - Ua talitonuina e Tagata Asia Amerika ma Atumotu o le Pasefika i latou o lo'o galulue fesoaosani mo le puipuia o ia aiā tatau i totonu o latou nu'u

(57%), ma fa'alapotopotoga o le malo o lo'o feagai ma le fa'amalosia o ia aiā tatau (54%), ina ia latou maua ai se malamalamaga atoa.

- Ua talitonuina e le to'atele (67%) ua matua'i mo'omia ni tulafono fou mo le puipuia o aiā tatau.

Fautuaga

Ua tutū fa'atasi fa'alapotopotoga uma mo le Taofia o Sauaga i Tagata Asia Amerika ma Atumotu o le Pasefika i totonu o le atunu'u, i le talitonuga e mo'omia ni tulafono fou mo le puipuia o aiā tatau, ina ia fa'ailoa ai le tuputupu pea o nei faiga fa'ailoga tagata i totonu o le atunu'u. O lenei ripoti ua aumai ai ni fautuaga mo ofisa o le malo i le setete ma le feterale, ina ia silasila mamao i lenei mala o lo'o a'afia ai nu'u ma itumalo o lo'o soifua ai tagata lanu ma nisi tagata ua tu'uese'eseina, fa'atasi ai ma ni fa'amatalaga ma fautuaga mo le 'au sailiili ina ia va'ai toto'a i ai.

Mo nisi fa'amatalaga, silasila ane i le tuatusi: <https://stopaapihate.org/civilrights>